

سنه ۱

۱۵ تشرین ثانی ۱۳۳۹

جلد ۱

محرر

و یو حست چید
۶۱ و صبه حول
۱۲۱ و صبه حول

اقتصادی ، اجتماعی ، فلسفی ، تاریخی ، ادبی مجموعو

شیمیدیلک اون بش کونده نشر اولونور

مدرجات :

۱	یوسف ضیا	« مصاحبه »	حدیث شریف
۶	عبدالحی هادی	« اجتماعی »	شرح قلیق و غیره بخلق
۱۱	محمد امین	« فلسفی »	ضمیمه سزاق دوری
۱۶	دو قنور قدری راشد	« طبی »	اسلامده نفوس و چو جوق
۲۱	مکریم فلیل	« تاریخی »	موصلا ده ساجوق والیلری
۲۶	یوسف ضیا	« فلسفی »	اسلام فیلسوفلری
۳۱	احمد قدسی	« منظومه »	نیلوفره کی طلی
۳۶	صالحی ضیا	« منظومه »	غزله کی طلی

اضرفی
مصابه

حدیث شریف [۱]

[میلانی بنم کتیرد کلامه اویمادجه هیچ بریکز ایمان ایتش اولماز سکر]

صمیمی مسلمان ، اسلامیتک اساسلری کندی آرزولری و میلانلری ایله متّحد بولور .
وجدانندن کلن سسلرده پیغمبرک امر لرندن باشقه شیلر ، آراده سندن چیقان فعللرده پیغمبرک
عمللرندن باشقه ایشلر بولماز . فکرده حق ، عملده خیری آرار . اوئده امور شریعت
طبیعی بر میلان حالنده یاشامقده ، دینک عقیده لری و معاملاتی درونی بروجدا ایله تجلی
ایتمکده در . او ، شریعتده فانی و شریعت اوئده متجلی اولور سلطه و خودکامیدن متنفر ،
وظیفه و دیگر کامی به منجذب یاشار . طبیعی اولان ادواق شهوائیه و هوای نفسانییه سی

[۱] بوحیث امام نووی نک اربعینده : ۴۱ نجی حدیثدر حدیثک راویسی مشهور مصر والیسی
عمرو بن العاص اوغلی عبدالله در پدرندن اون بر یاش کوچکدر پدرندن اول اسلام اولمشدی .
حضرت پیغمبر عبداللهی پدرینه تفضیل ایدردی و حقنده شو حدیثی سوبله مشدر « نم الیت عبدالله
و ابو عبدالله و أم عبدالله » عبدالله فامیله معروف اولان فضلاى اصحابك اك بیوکی ایدی اصحابدن اك
چوق حدیث روایت ایدن ذات بودر ، ابو هریره ، بندن زیاده حدیث روایت ایدن عبدالله دن باشقه
کیسه یوقدر زیرا حدیثلری یزیوردی بن یازمیوردم ، دییور بوسیله پیغمبرک صحیفه صادقسی
عنوانی قازانمشدی ۷۰۰ حدیث روایت ایتشدر قرق بشی بخاری مسلمده در صوك درجه عابد و زاهد
ایدی پدری کنندیسنی اولند بر دیکی زمان کیجه لری عبادت ایتمکدن زوجهنی کورمه وقتی اولامش
و پدرینک نصیحتی کار ایتنه نجه مسئله پیغمبره عکس ایتش و شو حدیثک صدورینه سبب اولمشدر
قال النبی « اقوم النهار » قال نعم و تقوى اللیل » قال نعم ، لکنی افطار واصلی انام و امس النساء فن رغب
عن سنتی فلیس منی »

پدری وفات ایدنجه به قدر پدرینک یاننده مصرده قالمشدی صوکرالری مختلف برله سیاحت
ایتش و آخر عمرنده کوزلرینه عما عارض اولمشدی و ۶۷ سنه هجریه سنده ۹۲ یاشنده اولدینی حالده
وفات ایتشدر ،

و بتون محرومیتله کوکس کردیلردی . بوحادثه اکه انصافسز معارضلری اعترافه مجبور ایدمک درجده علوی و شرفبخش دکلیدر . ایچلرندده اوقدر تهدید و اجبار ایدیلر پارا ایله اطماع ایدمک ایسته نلر بتون مواعیده و مساعیه رغماً اکه فقیر و کیمسه سزلر بیلده قناعتلری برآن ایچون اولسون دکشدرمدیلر . هر دینک بدایتده فوج فوج ارتداد مثللری کورولدیکی حالده اسلامیتده ارتداد حادثه سنک براییکی شخصی انحصاری او دورده اسلامک تأثیری و ایقانک قوتی ایچون اکه بارز و اکحیر بخش بر دیلدر . بتون بونلرله برابر حالت بدویتدن یکی صیریلان بوانسانلر بریداعجازک ارشادیه اسلامیه آزمانده اکه شانلی موفقیاتی تأمین ایتدیلر غایه لرینی بیلدیلر امللرینی برلشدیردیلر الاله و یردیلر وایلریله دیلرقلبلرندده شهبه دن ، فکدرلرندده مرض دن آزاده ایدیلر . قرآنک و حریتک تبلیغاتی صورت مطلقه ده ایمان ایدلمشدی معناسنی آکلادمادقلری متشابه آیتلری مناقشه ایتمز لردی . علمده رسوخی اولانلرده «آمان» دیمکله کتفا ایدیوردی . سرخلقتدن ، ماده و طییعتدن بحث اولمازدی و نادراً اولسه بیلده قرآن ایله جواب و یریلردی .

قضا و قدر ، اراده و جبر ، ذات و صفات بحثلری فیض قرآن ایله اوایلده جر زجان ایدلش وحی ، نبوت ، معجزات خارقلری مختلف طرز لر و مشاهده لر ایله اوایلده کوککشمش ایدی که بونلر حقنده تردد و مناقشه یه لزوم قالمیوردی . حضرت عایشه نکه « قرآن کریمده مجادله لایدنلردن حذر ایدیکز جناب حقک اهل ذیغ ایله مرادی بونلردر » سوزینی اساس اتخاذا ایتشلردی . ابن عباس « متشابهله عمل اولونماز اوکا ایمان اولنور » دیمشدی . بونلر دورک مؤمنلری ، اساسه اینانیورز کیهقی بیلمیورز دییورلردی . اعمال ظاهره و باطنیه اعتنا ایدیور نظرده کتاب وسنندن آرلیور . دائماً محبت ، صمیمیت و اخلاصی یاشیورلردی . خلاصه بونلر تمامیه حضرت پیغمبرک کتیردیکی شیلره شوق ایله تابع اولیورلر و میلانلری ایله او حقایق یاشیورلردی .

ایشته ایقان دورنده باشلا یوب اوچنجی و حتی دردنجی عصره قدر صافیتنی بوزمادن یاشایان سعادت و سلامت یولی بوکون طریق قرآن و یا مذهب سلفیه نامیه آکیلان بویولدر .

* *

بوکونلرده بو دوری خاطر لاق بزم ایچون بک فائده لی و حتی لزوم لیدر . انقلاب کچرن ملتر ، وطنده مهاجر اولمش انسانلره بکزرلر . یولنه استقامت و یرمک کی آغیر

بر يوك آلتنده درلر . مهاجرت عموميه ائناسنده غايه سنى بيلن ويولنى ائى انتخاب ايدن
ملتله شاشقين بر ساحده دوشانلرك عاقتلرينى بيليورز .

معنوى هجرت وانتقال ديمك اولان انقلاب ايسه داها شعورلى حركت ائتمه مزه
وروحه زك درينلكرينى يوقلا يارق داها اساسلى يوللردن كئتمه مزه عرض احتياج ائتمكده در .
كندى استعدادلر يمزى ، سجه لر يمزى ، فردى واجتماعى روحه زك استقامتنى استخفاف
ايدوبده اجنبى تاثيراته ، غربيللا شمع هوسنه غير علمى بر صورتده قاپيلير سهق يولنى
شاشيران بر قافله وضعيته دوشورزه بزم كئده جكمز يولى تعقيب ائتمك ايچون ايسه كندى
تار يخمىزى ايجه بيلمه مز ، وايشه اورادن باشلاماز لازمدر . بر ملتك حياتى واستقبالى
مشاهده ائتمك ايچون باشقه بر ملتك مدنيتنه باقيلماز او ملتك حياتى وماضيسى تدقيق
ايديلير . شو حالده تعقيب ايديله جك يول ايچون انكشافىزى مبدآنه ، شويوقا ريده قيصه جه
تصوير اولونان ايقان دورينه باقق ايچاب ايدر . بومبدآن حركت ايدن يول ك حقيقى انكشافىزى
تأمين ايدر . آئحق بونى ادراك ائتمك كر كدر . شبهه يوق ك چوق محتاج اولديغمىزى ، اصول
ومنهادر . قيمتدار اساسلر يمزى اصول وآهنگ دائره سنده اداره ايتديكمز زمانلرده هيچ
بر مدنيتك واصل اولمادىنى مرتبه لره يوكسلىمشدك ومظهر انكشاف اولمق ايچون قانلى
واوزون مجادله لره ، عصر لره محتاج اولمادق ايدى .

بنى اميه آسيانك براوجندن آفريقانك ، اندلسك بر اوجنه كئتمك وجهالت وبدويت
اوجاقلرينى نور عرفان ومدنيت ايله تنوير ايچون اوزون زمانه محتاج اولمديلردى سبك
تكين اوغللرى تأسيس حكومتدن صوكر ا بر ربع عصرده هنده ، چينه آياق آئمشلردى .
سلچوق اوغللرى اللى سنه ظرفنده جهانكبر اولديلر وهر طرفه مدرسه لر خسته خانه لر ،
كتبخانه لر ، رصدخانه لر تأسيس ايتديلر . عثمان غازينك تأسيس ايتديكى بلكك بر عصر
ظرفنده آفاقى صاردى واستانبولى مركز علوم ياپدى .

حالبوكه غربيللر اسلام مدنيتك ارشاديله نائل اولدقلى انتباه دورندن صوكر
انكشاف ايدم بيلمك ايچون عصر لره اوغراشديلر چونكه اساسلى ترقى وانكشافه
مساعدا دكلدى مدنيت اسلاميه دن اقتباسانده بولندقلى زمان اساساتى دكل فرعلرى
آئمشلردى اونلرده خلق كوله عدا ايديلردى . دره بكلىرى ، شواليله لرى ايچ آغيريسى ؟
قرال ، كليسا باش بلاسى ايدى . مساوات وحریت حسب ونسب ايله توفيق ايديله مزى
كليسا حقى ، قرال حقى ، واح بتون بو آنكلر هر شيئه مانع ايدى . بوكون ده اوروپانك

اضطرابی، اختلافی، ده ماغوزی نظر نه لری؛ قومونیزم و سوسیالیزم بو بوزو قلغك نتیجه سیدر.

شرقك سیر تاریخیسند بونلری بولامازسکیز. چونکه اسلامده ذاتاً حسب نسب، سلاله حق، صنف تشکیلاتی موجود دکدر. اؤنده حریت و مساوات اساسدر. اکابر، علما و زکیئر ملته قارشى بر حق ادعاسیله دکل بالعکس وظیفه حسیله مربوطدر. بزم نقصانمز اساسده دکل اساسی قاورام مقده و دینی تام معناسیله یاشامامقدهدر. شو حالده عربیلاشمه نك نه معناسی قالیور؛ بزه حدیث شریفك کوستردیکی وجهله ایقان و ایقانله هم عنان اولان اصول و انتظام لازمدر ایقان یولنی، قرآن یولنی؛ عز مکار، متین و صمیمی اولمق یولنی طوتارسه ق نه یولنی غیب ایدن بر غرب کبی نه ده مالی اداره ایدمه مهین بر تاجر کبی کریؤه افلاسه دوشمه یز. قرآن و ایقان یولنك بزه تأمین ایدمه جی دیگر مهم برفائده وارددر: بویول مذهب اختلافلرینی تمامیله اورتادن قالدیرز. اسلامده مختلف مذهبله سببیت و یرن شیئی «تأویل» و «متشابهاتی تفسیر»در. تعیر دیگرله فیکریاتك وجدانیاته ترجیحیدر مختلف محیط جغرافیده یاشایان مسلمانلر وجدانلرنده عین اساسلری یاشادقلری حالده فکریات و نظریات نقطه نظرندن آریلیورلر. [۱] حدیث شریف بزه کوستردی که ایمانك مقبولیتی میلان حالده اولماسندهدر. وقی الحقیقه عقلك رولی تبعیدر. او، حسیاتمزد، تمرکز ایدن قناعتلری یالکیز ایضاح ایدر. بز ترتیباتی بر طرف ایدوب اساسی آله آلیرسه ق بتون مذهب مجادلاتك نه قدر تالی شیلر اولدیغنی پك کوزل آ کلارز قرآن یولی کرک حرث و کرک وفاق خصوصلرنده سعادت مزی تأمین ایدر.

* *

حدیثده پیغمبریمزك، «اوشیلر که بن اونلرله کلام» سوزینی شیوهیه اویغون اولمق ایچون و بنم کتیرد کلام» دییه ترجمه ایتدك بوندن مقصود شریعتدر ابن حر حدیث شریفده بوجهتی بیان ایدر کن زیرا دیور پیغمبر حق ایله و صدق مرسلین ایله کلشدر. حق، دین ایله تفسیر اولنورسه ایمان و اسلامی، اطاعت و استقامتی شامل و ستون اموری جامع اولور تقوی ایله تفسیر اولنورسه ینه بونلری متضمن اولور. مشارالیه سائر شارحلر کبی حدیثده کی

[۱] بوسوزمزله یکی علم کلام و دینی مناقشه لر علیهنده اولدیغمز ظن اولناملیدر. بالعکس طریق قرآنی مدافعه و مختلف مذهبلی وفاقه ایصال ایچون فکریاتك قائده سی اولدیغنه قائلز. عمومی و حق اولان بردینه یاراشانده بودر.

صالحی
ابن حجر
یا خوف
ابن حجر
فلیح

ایمانی ایمان کامل ایله تفسیر ایتمشدور. هوا تبیری ده شو صورتله ایضاح ایدیورز: هوا محبت و میلان مضافه در و نفسك خوشه کیدن شیلره میل ایدوب ده خوشه کیمه بن شیلردن چکیمه سی دیمك اولان شهوات نفسیه دن عبارتدر بونکله برابر چوق دفعه نفسك سلامتی چکندیکی شیلرده فلاکتی ده خوشنه کیدن شیلرده در، دیور. ابن حجرک هوایی بوسورتله تعریف ایدیشی و اونك سلامتی ادراک ایده میوب آلدانیدیغی قید ایدیشی بو کونکی روحیات تلفیسه، توافقی ایتمکده در.

بو کونکی تلقی به کوره منشائی حرکات و انطباعاتدن آلان صور محسوسه نك ساحه طحتمال که اوزون ویا قیصه بر مجاهده و ترکیه به لزوم کورولمیدن امر دینده رسوخ و اطمنانه، تحققه چیقمه سنه سبب اولان قوته «شوق» دینور. شوقك زمان زمان دکیشن و بدنی اولان نوعنه «شهوت» دنیلدیکی کی مغنوی اولان و الم ویریجی احتیاسلردن قاجوب لذت ویرن احتیاساتی آله ایتك ایسته بن نوعنه ده «هوا» ویا «میلان» دینور. بو. فطری براستعداددر. اکثریا سوق طبیعی به بکزه دیلیر. فقط سوق طبیعی قطعی دروغایه سندم آلدانماز هوا ایسه غایه به ایریشمك ایچون استکمال وسائل همتی عقله و اجراسنی ده اراده به براقیر و بو سببله آلدانیر میلانلرک اقسامی واردر حدیثده موضوع بحث اولان میلان، عالی میلانلردندر.

سوکی و عشق ایله باشلایان بو میلان هوای دینی نامیله اک یوکسك درجه سنه واریر. شارح لر حدیثی ایضاح ایدرکن اجتماعی و عالی میلانلری نظر دفته آلمقدن زیاده شخصی میلانلر اطرافده دولاشمشلردر چونکه زمانلرنده تبعات بودرجه به وارماشدی لکن حدیث شریف اک یوکسك برقدرتله بتون بوانجه لکلی احتوا ایتمشدور.



اجتماعی :

شرقی و غربی حیل

صوك زمانلرده شرقی و غربی دیه اورطه به قونان زمین مناقشه متزاید براتساعله دوام ایدوب کیدیور. فقط شرقی و غربی اولوق اداسنده بولونانلر اراسنده و عبولان مباحثلردن شدتی به قدر مستقر بر فکر استحصال ایده مدك. میدانده مثبت اوله رق ملتك